

Headlines

- प्रधानमंत्री नरेंद्र मोदी होरें तकनीकी कंपनिएं गी सहयोग ते नमिएं काहडें आस्तै भारत दे विकास थवां लाहू लैने लेई गलाया।
- जम्मू संभाग च अज्ज अखीरी डोगरा महाराजा हरि सिंह हुंदा जन्म ध्याडा मनाया गेआ।
- सरकार नै ढांचा ते महिलाएं दी अगुवाई च विकास उप्पर केंद्रित 15 लक्ख करोड़ रुपें दे प्रोजेक्ट शुरू कीते।
- राहुल गांधी होरें आखेआ जे जम्मू-कश्मीर दे राज्य दी बहाली लेई ओहू केंद्र सरकार उप्पर दबा पाइन।

<><><><><><>

PM-US CEO

प्रधानमंत्री नरेन्द्र मोदी होरें आखेआ ऐ जे 21मी सदी प्रौद्योगिकी दी सदी ऐ। उने आखेआ जे प्रौद्योगिकी ते लोकतंत्र बश्कार तालमेल कायम करना समें दी मंग ऐ। प्रधानमंत्री होरें mit, इंजीनियरिंग स्कूल आस्सेआ आयोजित न्यूयॉर्क च अगुवाहू प्रौद्योगिकी कम्पनियें दे मुख कार्यकारी अधिकारियें कन्नै होई दी एक गोलमेज बैठक च एहू गल्ल आखी। उने आखेआ जे लोकतंत्रिक मुल्ले ते सिद्धातें बगैर तकनीक संकट दा माहोल तयार करदी ऐ। प्रधानमंत्री होरें आखेआ जे भारत च प्रतिभा, लोकतंत्र ते बाजार बी ऐ। प्रौद्योगिकी उद्योगपतियें गी सम्बोधित करदे होई प्रधानमंत्री होरें आखेआ जे ओहू उनें गी हमेशा आत्मनिर्भर ते सशक्त भारत दी विकास यात्रा च सहयोगी यात्री ते साझेदार दे तौर पर दिखदा ऐ। उने विश्वास जाहिर कीता जे भारत ते अमरीका दी प्रौद्योगिकी कम्पनियां किट्टे रलिये वैश्विक चुनौतियें कन्नै निबडने च इक महत्वपूर्ण भूमिका निभागा। मोदी होरें आखेआ जे जिसलै विश्व दा सबने थवा बड्डा लोकतंत्र तेजी कन्नै विकसित हुन्दा ऐ ते इसदे क्रनै वैश्विक शांति ते समृद्धि भी औन्दी ऐ। प्रधानमंत्री होरें आखेआ जे अज्ज भारतीय शासन ना छडा नीति संचालित ऐ सगुआ हर क्षेत्र च निवेशकें गी आश्वस्त करने आली स्थिर ते आसे मेदें मूजब नीतियें पर आधारित भी ऐ। उने आखेआ जे भारत सरकार नै सेमीकंडक्टर उद्योग च 15 बिलियन डॉलर दा निवेश कीता गेआ ऐ।

<><><><><><>

Maharaja birth Celebration

जम्मू-कश्मीर दे जम्मू संभाग च अज्ज महाराजा हरि सिंह जी दा जन्म ध्याडा बड़े जोशो-खरोश कननै मनाया गेआ। युवा राजपूत सभा आस्सेया बरनई थमां तवी पुल तगर इक विशाल रैली दा आयोजन कीता गेआ। रैली च लोकें बदी चढियै हिस्सा लैता। इस दौरान कई कार्यक्रमें दा सरिस्ता कीता गेआ जेदे च महाराज हरिसिंह जी दे बारै च दस्सेया गेआ ते उनेंगी श्रद्धांजलि दिती गेई। जिला कठुआ च इस मौके उप्पर राजपूत सभा कठुआ नै शैहरै च इक रैली दा आयोजन कीता। रैली रामलीला मैदान थमां शुरू होइए पूरे शैहरै थमां निकली ते युवाएं '6 महाराजा हरि सिंह अमर रहें' दे जोरें-शोरें नारे बी लाए। जिला उधमपुर च बी महाराजा हरि सिंह जी दा जर्म

ध्याडा बडे जोश जज्बे कननै मनाया गोआ। इस मौके पर कई संस्थाएं रलियै कार्यक्रम दा आयोजन कीता ते महाराजा हरि सिंह जी गी श्रद्धांजलि अर्पित कीती। जिला रामबन च श्री अमर क्षत्रीय राजपूत सभा दे जिला प्रधान करण देव सिंह चिब हुंदी सरपरस्ती च बाओली बजार च इक कार्यक्रम दा आयोजन कीता गोआ। इस मौके पर महाराजा होरें गी पुष्पांजलि अर्पित कीती गई ते उंदे चेतते च नारे लाए गए। सांबा जिले च अमर क्षत्रीय राजपूत सभा दे जिला प्रधान कप्तान इंदर सिंह हुंदी अध्यक्षता च इक कार्यक्रम दा आयोजन कीता गोआ। इस दौरान इक विशाल रैली कड़ी गई जेड़ी मुख बजार थमां लंग्घदी होई वीर भूमि पार्क साम्बा च जाइये समाप्त होई।

<><><><><><>

Govt. Onion

सरकार थोक बजार च गंडें दी कीमतें गी घट्ट करने आस्तै बाद्दू प्याज बजार च आहनना रदी ऐ। नमीं दिल्ली च संवाददाता सम्मेलन च उपभोक्ता मामले दी सचिव निधि खरे होरें आखेआ जे सुद्दा भंडार उपलब्ध ऐ ते खरीफ मौसम च गंडुं दी रड अच्छी होई ऐ। उनें आखेआ जे सरकार गंडुं दी कीमतें पर नेड्छमीं तक्क रक्खा रदी ऐ। खरे होरें विश्वास जाहिर कीता जे गंडुं दिआं कीमतां तौलें गै घट्ट होडन। उनें आखेआ जे सरकार खुदरा बजार च 35 रुपें फही किलोग्राम दी रियायती दर पर प्याज उपलब्ध करा रदी ऐ ते इस हफ्ते सोयां राज्यें च रियायती दरें पर गंडुं दी बिक्री शुरू होई जाग।

<><><><><><>

Environment-Minister

केंद्री पर्यावरण ते जलवायु परिवर्तन मंत्री भूपेंद्र यादव होरें अज्ज 128मीं इंफेंट्री बटालियन ते पारिस्थितिकी कार्यबल गी इक घंटे च 5 लक्ख बूह्छे लाने दा विश्व कीर्तिमान कायम करने पर बदाई दिती ऐ। सोशल मीडिया दी इक पोस्ट च यादव होरें आखेआ जे सेना नै कल जैसलमेर च चलाए गेदे खास अभियान च लगभग 5 लक्ख 20 ज्हार बूह्छे लाए। उनें आखेआ जे एह अभियान प्रधानमंत्री मोदी हुंदे एक पेड मां के नाम पैहल ते सेना दी हिस्सेदारी ते जिम्मेदारी अभियान दा हिस्सा ऐ, जेदा मकसद मुकामी लोकें बश्कार पर्यावरण संरक्षण दे महत्व गी रेखांकित करना ते जागरूकता बदाना ऐ। यादव होरें भारतीय सेना, वायु सेना, सीमा सुरक्षा बल, पुलस ते बक्ख- बक्ख शैक्षणिक संस्थानें दे विद्यार्थियें ते एहदे कन्नै जुडे दे होरनें सरबन्धी धडें गी इस अभियान च हिस्सेदारी लेई बदाई दिती।

<><><><><><>

EV-Station

भारी उद्योग ते स्टील दे केंद्री मंत्री एच.डी कुमारा स्वामी होरें आखेआ जे केंद्र नै देसै च 70 ज्हार शा मते गड्डियें दे चार्जिंग स्टेशनें गी स्थापित करने लेई 2 ज्हार करोड रुपें शा मते दा निवेश करने दी योजना बनाई ऐ। असम दे गोहाटी च मीडिया आलें कन्नै गल्लबात करदे होई मंत्री होरें दस्सेया जे सरकार असम दे कारबी एनालाग जिले च सीमेंट कार्पोरेशन ऑफ इंडिया लिमिटेड दे बोकाजन प्लांट गी परतियै शुरू करने लेई तकरीबन 700 करोड रुपे दा निवेश करोग।

<><><><><><>

Parliament Conference

इक 10मां राष्ट्रमंडल संसदीय संघ भारत क्षेत्र सम्मेलन अज्ज नमीं दिल्ली च शुरू होआ। दो दिन दे सम्मेलन दी अध्यक्षता लोकसभा अध्यक्ष ओम बिरला होर करा रदे ना। बिडला होर इस संगठन दे अध्यक्ष बी हैन। राज्यें ते केंद्र शासित प्रदेशें दे विधान मंडलें दे पीठासीन अधिकारी, सभापति, अध्यक्ष ते उप-सभापति एहदे च हिस्सा लै रदे ना। सम्मेलन दा विशेसार ऐ लगातार टिकाऊ ते समावेशी विकास हासल करने च विधायी निकाएं दी भूमिका। इस मौके पर लोकसभा अध्यक्ष ओम बिरला होरें बदलदे परिदृश्य दे मद्देनजर लोकें दी आसें-तांगें ते मेदें गी पूरा करने आस्तै मुख्य दे विधायी निकाएं गी होर मजबूत करने पर जोर पाया। उनें आखेआ जे टेक्नोलॉजी ते संचार माध्यम लोकें दे जीवन दा अहम हिस्सा बनी गए ना। एह संगठन 2004 बरे च बनाया गेआ हा। इसलै एहदियां 31 शाखां ना। एहदे च भारत दी संसद ते 30 राज्य ते केंद्र शासित प्रदेशें दे विधानमंडल शामिल ना। एह सम्मेलन दुई बारी नमीं दिल्ली च होआ'रदा ऐ।

<><><><><><>

WLD 100 Days

ऐतिहासिक त्री बारी सत्ता च औने मगरा मोदी हुंदी अगुवाई आहली सरकार नै अपने पैहले 100 दिन पूरे करी लैते ना। इस दौरान सरकार नै बुनियादी ढांचे, सामाजिक कल्याण, मरसान, मध्यम वर्ग, महिलाएं ते युवाएं गी ध्यानै च रखदे होई 15 लकख करोड़ रपे दी परियोजनां शुरू कीतियां ना। सरकार नै महिलाएं दी अगुवाई आले विकास आस्तै मजबूत नींहू रक्खी ऐ, खास करी ग्रामीण ते आर्थिक तौर पर पच्छड़े दी महिलाएं गी सशक्त बनाने दे मकसद कन्नै केई सारियां पैहलकदमियां कीतियां गेइयां ना। मुख्य गी 2047 तगर किसित बनाने लेई बी जत्त जारी ना। प्रधानमंत्री नरेंद्र मोदी हुंदी अगुवाई आली सरकार जत्त करा रदी ऐ जे कोई बी व्यक्ति खास करी महिला पिच्छे नेई रेई जा। 10 करोड़ महिलाएं गी 90 लकख थ्वां बद् आप सहायता समूहें कन्नै दीन दयाल अन्नतोदय योजना-राष्ट्रीय ग्रामीण आजीविका मिशन कन्नै जोड़ेआ गेआ ऐ। 11 लकख नमीं लकखपति दीदीएं गी प्रधानमंत्री होरें प्रमाण पत्र दित्ते ना। नारी शक्ति दे सशक्तिकरण आस्तै त्रै लकख करोड़ रपे बजट च रक्खे गए ना। 3 करोड़ बाद्दू घरें दा निर्माण प्रधानमंत्री आवास योजना तैहत कीता जाग ते जे महिलाएं गी मालकाना हक्क थ्होई सकै ते उंदा मान-सम्मान यकीनी बनी सकै। सरकार नै 2500 करोड़ रपे 4 लकख 30 ज्हार आप सहायता समूहें आस्तै बी दित्ते ना। एहदे कन्नै 48 लकख मिम्बरें गी लाहू होगा। मुद्रा दोहार दी सीमा 10 लकख थ्वां बदाइए 20 लकख रपे कीती गेई ऐ तां जे महिलाएं गी सशक्त बनाया जाई सकै।

<><><><><><>

Rahul-Surankote

लोकसभा च विपक्ष दे नेता राहुल गांधी होरें अज्ज आखेआ जे विधानसभा चुनां दे मगरा जेकर कांग्रेस जम्मू-कश्मीर गी राज्य दा दर्जा दोआने च नाकाम रेई तां ओहू केंद्र सरकार उप्पर एहदे लेई दबा बनागा। उनें आखेआ जे इंडी गठबंधन नै लोकसभा चुनां दे बाद प्रधानमंत्री नरेंद्र मोदी हुंदा मनोबल त्रोड़ी दित्ता ऐ। उनें गलाया जे देसै दे इतिहास च पैहली बारी होआ ऐ जे कुसै राज्य गी केंद्र शासित प्रदेश बनाई दित्ता गेआ होए। इनें तुंदा लोकतांत्रिक

हक खोई लैता ऐ। गांधी होरें आखेआ जे असें जम्मू-कश्मीर दे राज्य दे दर्जे दी बहाली गी प्राथमिकता दिती ऐ।
उनें आखेआ।

<><><><><><>

SVEEP-Jammu

स्वीप तैहत अज्ज जम्मू यूनिवर्सिटी च इक चुनां जागरूकता कार्यक्रम दा सरिस्ता कीता गेआ। जम्मू दे जिला चुनां अधिकारी सचिन कुमार वैश्य होरें इस मौके पर Helium दे फ्लूस डोआइये कार्यक्रम दी शुरूआत कीती ते दस्सेया जे जम्मू च मतदान दी तरीक 1 अक्तूबर 2024 ऐ। इस दरान मकामी गायकें डोगरी ते हिंदी भाशा च मतदान कन्ने सरबंधत गीत बी गाए। इस मौके उप्पर बोलदे होई जिला चुनां अफसर सचिन कुमार वैश्य होरें आखेआ।

<><><><><><>

SVEEP-Rajouri

जिला राजौरी दी स्वीप टीम नै हायर सेकेंडरी स्कूल दलहोरी च जागरूकता कार्यक्रम दा आयोजन कीता जेदे च 200 विद्यार्थियों, स्टॉफ मिम्बरें ते मकामी लोकें हिस्सा लेता। कार्यक्रम दी शुरूआत च जागरूकता बारै इक भाषण दिता गेआ, ओह्दे मगरा सारें गी शपथ दिलाई गई, फिर दस्तखत अभियान चलाया गेआ ते ओहू अखीर च विद्यार्थियों ते स्टॉफ मिम्बरें आस्सेया खेडू दा आयोजन कीता गेआ। इस मौके पर बोलदे होई स्वीप दे प्रधान रजत कुमार ते विद्यार्थियों आखेआ।

<><><><><><>

SVEEP-Udh.

अज्ज उधमपुर दे रिवायत हाल च इक बड्डे स्वीप जागरूकता कार्यक्रम दा आयोजन कीता गेआ। इस मौके उप्पर डोगरी लोक नृत्य ते संगीत सने कई कार्यक्रमें दा आयोजन कीता गेआ जेदा मकसद विधानसभा चुनां 2024 बारै जागरूकता पैदा करना ते मती गिनतरी च लोकें दी भागीदारी गी यकीनी बनाना ऐ। इस कार्यक्रम दा आयोजन बक्ख-बक्ख सरकारी मैहकमें आस्सेया मतदान दे महत्व दा संदेश फैलाने लेई कीता गेदा हा। इस कार्यक्रम च बक्ख-बक्ख जिलें दे अफसर शामिल होए ते उनें युवा मतदाताएं ते दर्शकें गी प्रोत्साहित कीता। इस मौके पर बोलदे होई उधमपुर दे असिस्टेंट कमिशनर रेव्यू सुभाश चंद्र डोगरा होरें आखेआ।

<><><><><><>

Encounter-Kishtwar

किश्तवाड़ जिले दे गुरीनाल ग्रांS च सुरक्षाबलें ते आतंकवादियें बश्कार टाक्करा अज्ज त्रीए दिन बी जारी रेआ। इक पुलस अधिकारी नै अज्ज आखेआ ऐ जे सुरक्षाबलें आस्सेया गुरीनाल ग्रां दे दानाधार जंगली लाहके दे उप्परले हिस्से च सांझे तौरा उप्पर तलाशी अभियान दरान गोलीबारी दोबारा शुरू होई गई। इस लाहके च आतंकवादियें दी सूह मिलने मगरा एहू कार्रवाई शुरू कीती ही। हाल च गै पूरे जम्मू-कश्मीर च सुरक्षा बलें ते आतंकवादियें बश्कार टाकरे दा सिलसिला मता शुरू होई गेआ ऐ जिंदे च मते सारें आतंकवादियें ते उंदे कमांडरें गी खत्म करी दिता गेआ ऐ।

<><><><><><>